


DISSERTATIO MEDICA

INAUGURALIS,

DE

PLEURITIDE.



DISSERTATIO MEDICA

INAUGURALIS,

DE

PLEURITIDE:

QUAM,

ANNUENTE SUMMO NUMINE,

EX AUCTORITATE

Amplissimi SENATUS ACADEMICI,

et nobilissimae FACULTATIS MEDICAE decreto;

PRO GRADU DOCTORATUS,

SUMMISQUE IN MEDICINA HONORIBUS ET PRIVILEGIIS

RITE ET LEGITIME CONSEQUENDIS,

ERUDITORUM EXAMINI SUBJICIT

CLEMENS CROOKE, ab Insula ST<sup>i</sup> CHRISTOPHORI.

Ad diem 6 Idus Junii, horâ locoque solitis.

EDINBURGI:

Apud HAMILTON, BALFOUR, et NEILL.

M,DCC,LIII.

EXHIBIT 1280

THE UNITED STATES OF AMERICA  
vs.  
JOHN DOE

Case No. 12345  
District Court of the Southern District of New York

Exhibit 1280  
Produced Pursuant to Court Order

1280-12345-6789

VIRO OPTIMO,  
OB AMICITIAM MORUMQUE FACILITATEM  
AEQUE CONSPICUO,  
DANIELI CUNINGHAME, ARMIGERO,  
AVUNCULO SUO CHARISSIMO,  
ET PATRIS QUIDEM VICE FUNGENTI :

NEC NON,  
JOANNI CUMING,  
MEDICINAE APUD IRVINENSES DOCTORI;  
OB ARTIS APOLLINEAE PERITIAM EXIMIAM  
CONSPICUO ;

DE SE PRAECIPUE, OB ANIMUM QUASI PATERNUM,  
OPTIME MERITO :

TENTAMEN HOCCE INAUGURALE,  
PIETATEM GRATUMQUE ANIMUM,  
UT TESTARETUR,

D. D. D.

CLEMENS CROOKE.





# DISSERTATIO MEDICA,

DE

## PLEURITIDE.

**P**LEURITIS est membranae costas interne succingentis inflammatio, cum febre acuta, continua, pulsu duro, dolore acuto, punctum quasi laceffente, in inspiratione valde aucta, in expiratione, vel animae retentione, leniori, mitiori pariter, ubi respiratio, immoto thorace, maxime ope abdominis fit, et ultimo difficultate spirandi.

PLEURITIS, a πλευρον *latus*, unde *morbus lateralis* etiam vocatur, vel a πλευρα, membrana costas interne succingente, adjecta terminatione *itis*, (qua, morbo inflammatorio partem laborare, semper intelligitur) nomen habet.

OMNEM sexum et aetatem, praecipue vero adultos, temperamento sanguineo praeditos, fibra tensa et rigida donatos, nimis exercitatos, acidum raro eructantes, et in morbos inflammatorios vergentes, vino et liquoribus spirituosus indulgentes, plethoricos, et quibus usitatae et debitae evacuationes casu aliquo supprimuntur, aut quos subitaneae nimis, et inconstantes, frigidi ultra modum et calidi coeli vicissitudines, vernali praesertim tempore, afficiunt, primario adoritur pleuritis: tumque vocatur *Idiopathica*.

A

QUAE

QUAE vero ab alio praecedenti inflammatorio morbo per accidens tantum ortum habet, five a medicamentis purgantibus perperam in usum adhibitis, five a frigore suscepto, five denique a praepostero medicamentorum calidiorum, in quarundam febrium initio, quod quandoque fieri solet, usu, ad extorquendas scilicet per vim sudores, materia febrilis cruda adhuc et inconcocta in pleuram conjiciatur: symptomatica pleuritis appellatur.

QUANDO autem ipsa membrana costas interne succingens doloris est sedes, aut pars illa musculorum intercostalium internorum, vera; si autem in musculis intercostalibus aut partibus exterioribus haereat morbi materia, spuria tantum censenda est. Notari dignum est insuper, veram pleuritidem sputis symptomaticis materiae alicujus viscidae, subflavae, sanguine striatae, aliquando comitari; quo casu pleuritis humida dicitur: si vero nulla talia sputa prodeant, aut saltem materiae tenuis parum per anacatharsin educitur, pleuritis ficca audit.

MORBUS lateralis sedem suam in partibus thoracicis viscera continentibus tenet; nulla est pars interni thoracis vel externi quam non aggreditur: tota ergo pleura, totumque mediastinum, hinc anterior, posterior, dextra, sinistra, superior, inferior, exterior, profundior ejus pars aequè obfidetur hoc malo; sed inprimis latera.

INCIPIT hic morbus cum frigore, horrore, debilitate, lassitudine, febre; procedit cum calore sensim in aestum excrecente, siti, prostrato appetitu omni: post aliquot a prima invasione horas, serius ocys, accedit dolor lateris  
ad



ad costas punctorius, et lancinans; collum versus, humerum, aut claviculam extendens; latus sinistrum saepius quam dextrum excrucians; nunc ad dorsum, saepe ad mammam et pectoris anteriora, non raro etiam ad costas nothas et praecordia progreditur. Respiratio valde citata, laboriosa et laesa fit; frequens tussicula vexat; ob quam, et sensum summum doloris, respirationem, quantum potest, cohibet aeger; hinc minus manifesta percipitur violenta, peracuta, omni hora vicens febris. Adsunt praeterea pulsus tensus, celer, parvus; frigore autem in calorem et aestum febrilem tendente, incitatur pulsus, et oppressus, durus, digito resistens evadit, qui pleuritidis symptomata pene pathognomicum habetur. Tum cruor emissus, pleno saltu, ex vena late aperta, pelvi exceptus, frigescent, format albam, duram, crassam, rigidam pellem. Incipiente morbo, urina plerumque tenuis, parum hypostatica, et coloris pallidi redditur; incrementum autem, magis rubicunda, spumosa atque graveolens conspicitur; vel et flammea, subnigra, admodum graveolens, et quandoque tenuissima, limpida, aquosa, si febris maxime exacerbatur. Tussis crucians, initio sicca, qua parum aut nihil per sputum rejicitur; procedente morbo saepe humida cum sputo primo tenui, cruento, crudo et paucum; procedente praecipue vero ad crisin et declinationem morbo, copiosum, concoctum cum multo levamine excernitur. Durante morbi incremento, febris et alia symptomata ingravescent. Alvus nunc stipata nimis, nunc praetermodum dejectionibus liquidis soluta: et si diarrhoea superveniat

perveniat, sputum reprimat ; spirandi difficultatem infert ; febrem adauget : et nisi opportuna methodo tempestive tollatur, delirium et alia funesta symptomata, ac mortem ipsam invocant. In genere, quo partes plures affectae simul, quo impetus circulantis liquidi violentior, aut major malignitas ipsius morbi principis, eo symptomata plura et pejora inveniuntur.

In pleuritide spuria, dolor lateris ad tactum augetur, decubitus in latus dolens difficilis, tussis sicca, dolorem tamen, si valida sit, exacerbans ; juncta simul est febris, cum pulsu subduro, depresso et frequenti. Pleuritis vera a spuria discriminatur ; imprimis, quod in illa spirandi difficultas major, febris magis acuta, et adsint sputa symptomata ; decubitus vero in latus affectum facilis, in sanum semper difficilis.

Cum inter pleuritidem et peripneumoniam tanta sit affinitas, ut easdem plane causas agnoscere videantur, plurimaeque symptomata habeant communia, operae pretium erit, ad commoda praxeos, criteria aliqua proponere, quibus morbus unus ab altero, in initio saltem, facile discerni possit. In pleuritide dolor est punctorius, acutus, lacerans ; sed e contra in peripneumonia, propter minorem pulmonis sensibilitatem, dolor gravis, ponderosus, quasi obtusus et parvus sentitur. Porro in pleuritide, et in omni morbo inflammatorio, uti recte dicit Galenus, pulsus durus, funiculi instar, apparet : sola autem peripneumonia excipitur, ubi mollis, exilis, inaequalis, et quandoque undosus est ; tanto autem magis, quo morbus pejor evadit.



dit. Denique in peripneumonia respiratio plerumque difficilior est, calida, erecta, parva, tussiculosa.

IN quibusdam, scorbuto, et affectibus nervosi generis obnoxiiis, nonnunquam accidit, humorem acrem et dolorificum in pleuram aut musculos intercostales descendere, ibique defixum cruciatus acerrimos inferre; quae tamen affectio a pleuritide discriminatur, quatenus ea febre ac siti vacat, pulsus usque moderatus et laudabilis perstat, non raro appetitus imo et vires constant; porro dolor haud diu fixus est, aut uni limitatur loco, sed sensim huc illuc in partes vicinas repit.

A paraphrenitide etiam dignoscitur: in hac enim stomachi repletio cum nausea et vomitu adest. Atque quoties alvum aeger deponit, aut urinam reddit, dolor immanner augetur; spiratio pariter longe sublimior est; abdomine enim tantum non quiescente, solo fere thorace peragitur.

HUJUS morbi causa proxima semper est tanta sanguinis in arteriis minimis accumulatio, ut dolorem, febrem, et alia consueta inflammationis signa producat, uti plane apparet a morbi historia et decursu, et cadaverum inde defunctorum incisionibus.

VASORUM autem obstructio et liquidi accumulatio fit, vel sanguinis vel vasorum vitio; sanguinis, quoties is vel quantitate, vel qualitate peccat: si enim tanta ejus adfuerit copia, ut vasa quaedam nimis extendat, vicina comprimit; si autem nimis crassus aut viscosus fuerit,

B

moleculae

moleculae adactae in vasorum angustias transire non poterint sine obstructione.

VASORUM vitio producetur obstructio, ob omni causa, qua arctiora et angustiora redduntur, quae multiplex esse poterit; e. g. contractio nimia fibrarum, aut vis externa. Denique ab errore loci idem effectus producetur, quando globi sanguinis in dilatata orificia vasorum laterali-um, serosorum, aut lymphaticorum pelluntur, et in conniventibus angustis haerent.

INFLAMMATIONIS causae remotae, ut pene innumerae, hic non recensentur; juvat eas tantum enarrare, quae morbum hunc ad partes laterales praecipue excitant.

Imo, IN his locis sanguinis impetus, caeteris paribus, semper major est, quam in aliis corporis partibus: docet hoc facilius sudoris ex ambitu pectoris eruptio; nam continuâ musculorum intercostalium actione venae vicinae citius deplentur, hinc arteriae, his venis respondentes, facilius se in venas depletas evacuant: minuitur ergo resistantia sanguini in has arterias fluxuro, adeoque majore impetu et copia huc derivatur. Accedit, quod muscoli contracti, sanguini aditum renuentes, per ramos liberos ab eodem trunco derivatos majore copia pellunt. Quum jam a febre augetur totius sanguinis velocitas, hic loci mirifice certe acceleratur ejus impetus: sed, eodem etiam tempore, (praecipue vero in frigore) circa cor dextrum et pulmones aggeritur sanguis, impeditur vena azygos, quo minus liberalius sese in cavam exoneret; hinc in ramulis ejus per loca intercostalia dispersis stagnabit



gnabit fere sanguis, atque optima obstructioni nascitur occasio.

2do, ARTERIAE intercostales rigidiores, vel arctiores, ut a morbi praecedentis reliquiis plerumque fiunt, sive sint schirrhus, callus, seu quid simile; adeoque quos semel aggressus fuit, illis saepissime recurrit, atque tunc a consuetudine oriri dicitur.

3tio, Si quis, corpore prius excalesfacto, cerevisiam, aut aquam pleno haustu frigidam repente ingurgitârit, illico lateris vasa, ad spinam, praecipue juxta oesophagi decursum, prae caeteris sese contrahunt.

4to, NATURA morbi epidemici praedominantis.

A quacunque autem origine pleuritis nascatur, decursus symptomatum, eventus et methodus medendi non admodum differunt.

SYMPTOMATUM quae posuimus ratio jam reddenda est. Quamplurimis jam arteriarum, in laterum alterutro, capillarium obturatis, fluidum cogitur purpureum per vicina vasa celerius moveri; unde, irritata etiam natura, totis viribus assurgente, magis atteri, atque inde attenuari incipit: hinc plus spirituum fecernetur, sicque plures cordi largientur, quod idcirco fortius se contrahet, plus sanguinis semel ejiciet, cujus inde aucta erit velocitas, attritus, fluiditas, spirituum copia, et sic porro; ut eadem plane ratione, momentum, atque hinc calor ejus, usque in aestum increfcet. Acceleratus nunc sanguis, majori quidem vi in loca obstructa impinget, non potens vero transire, vasorum latera pro momenti sui ratio-

ne plus minus distendat: quod, cum a nullo fere gradatim ad summum augeatur, hinc lateris dolor a miti in acerbissimum sane intenditur. Et quia in minimis vasis cordi proximis atque parti duriori, scil. costis adhaerentibus, evenit, fit dolor tam punctorius quam acutissimus. Quum vero quaquaversum tendat inflammatio, sic nunc ad hanc, nunc ad illam partem sentitur dolor: cur autem frequentius latus sinistrum infestat, fieri potest praecipue, quia venae intercostales, antequam azygon attingunt, inter aortam et vertebrae dorsum decurrunt; propterea arteriae magnae pressione retardatur refluens sanguis. Difficilis respiratio semper necessario huic malo adjungitur; quia dum inflammatio vel pleuram vel musculos intercostales occupat, non licet, prae dolore, costas elevare, ut, thorace ampliato, animam trahamus; et propterea minus aëris, singulis in inspirationibus, ducitur citius; hinc citata et laesa etiam erit spiratio. Tussicula oritur, dum vel peripneumonia simul adest, vel dum prae summo dolore respirationem cohibet aeger; hinc enim vasa sanguifera pulmonalia, bronchia non satis dilatata comprimunt, ita ut superficies eorum contra se invicem atterantur. Cur autem dolor adeo in inspiratione exacerbetur, patebit, si consideremus, quod muscoli intercostales in actione sua tumentes pleuram et cellulosa membranam valide premunt: hinc a costis magis hae divelluntur, et ad superficiem pulmonis apprimuntur. Praeterea, ipsi muscoli inflammati, quando contrahuntur, vehementem excitant dolorem, et a situ costarum continuo



tinuo mutato omnia ibi vasa semper agitantur, horumque fibrae distrahuntur. Ob hujus doloris immanitatem aegri prima tussiendi molimina coercent, pectus ad debitum spatium respirationis expandere nolunt, sed, inflexo corpore, brachiisque saepe decussatis, ita comprimunt costas, ut solo diaphragmate respirare cogantur; in vasis interim pulmonalibus sensim sensimque accumulatus sanguis, minori copia ad cor finistrum transluit; inde peripneumonia oritur valde periculosa, pulsus est fere nullus, saltem valde mollis, tollitur fere doloris sensus, febris vixque deprehenditur, summus tamen adest morbus, brevi lethalis futurus. Diagnosin ergo pleuritidis tunc temporis petenda ab historia praegressa, antequam respiratio supprimatur. Pulsus durus sentitur; quoniam ob summum dolorem vasa arteriosa per universum corpus constrictione quadam spasmodica afficiuntur, unde difficilius per eorum fines transmittitur sanguis; sanguine enim per fines vasorum aegre fluente, ejus impetus extrorsum in eorum latera determinabitur. Decubitus in latus sanum difficilis evadit, quia in plerisque pulmone pleurae adnatus sit. Caetera hujus morbi phaenomena non pleuritidi propria sunt, sed in omni febre acuta inflammatoria, aequae ac in ea, sese ostendunt; horum itaque explicationem hic non aggredimur.

PLEURITIS in sanitatem, alium morbum, vel in mortem transit. In sanitatem ope naturae, vel naturae et artis simul: sanatio autem fit, vel per benignam resolutionem, vel per coctionem, et materiae morbificae expulsionem

pulsionem, seu crisin. Cum itaque maxime optabilis sit hic morbi exitus, omnis cura in eum scopum collineare debet. Prius autem signa generalia quaedam proponemus, quibus judicare possumus, an expectandus sit necne.

NOTANDA itaque erit, imo, aegri temperies; an scilicet parum obesus sit, et solida non admodum rigida sint; quo vasa facilius dilatari possunt, motus humorum non vehemens sit, neque nunquam densa et compacta fiant fluida. Hinc facile patet, in iis corporibus inflammationes natas non difficulter curari posse, ut in viris teneris, feminis et junioribus quotidie observatur. 2do, Febris, cujus vehementia aestimatur praecipue duratione, cito symptomatum incremento, atque excretorum, pulsus et respirationis vitiis. 3tio, Sanguis ipse, qui blandus et non multum incrassatus esse debet. Dignosci possunt hi sanguinis status ex vitae anteactae ratione et morbis praecedentibus; ex visa sanguinis e vena missi conditione, et non praegressis tenuioris partis magnis ullis evacuationibus, sudore scilicet diarrhoea, &c. Denique 4to, notari meretur causa morbi, si non scilicet valde vehemens vel maligna fuerit. Quando omnes vel plures harum conditionum concurrunt, tunc reducto fluore stagnantis sanguinis, solvitur inflammatio resolutione benigna, et symptomata laevantur ante quartum diem. In regulari pleuritidis resolutione, primo cessare debet febris, postea lateris dolor.

Ex signis jam memoratis, haud incertum iudicium  
ferre



ferre possumus, an morbus crisi solvendus sit, necne : solvi autem, atque vi vitae e corpore eliminari docemur. Immo, Quoties haemorrhoides debita copia liquidum aptum ante quartum diem fundunt : 2do, quoties urina copiosa, crassa, hypostatica, stranguriosa, subrubra cum albo sedimento, fluxit cum levamine malorum, ante quartum diem. 3tio, Si alvus flavam biliosam materiem ante quartum diem copiosam cum levamine ejecerit. 4to, Si abscessus ichorosi, purulenti, fistulosi, diu manentes, ante sextum diem incepti, post aures vel ad crura, metastasi materiae morbificae prodierint : tales abscessus futuros esse, docent dolores, rubores, calores, tensiones circa aures vel crura. 5to, Dolor lateris si transit ad humerum, manum, dorsum, cum stupore, gravitate, dolore illarum partium : 6to, si sputum, ex parte liberale, laevans, sine coryza, copiosum, vel ante quartum diem, continuatum, vel a suppressione statim rediens, cum levamine morbi ; inde enim nono vel undecimo die salus.

MORBUS lateralis, quum vere inflammatorius sit, si nec sanetur resolutione, nec crisi, tunc consuetum inflammationis iter decurrit, inque alios morbos abit, scilicet in suppurationem, empyema, schirrhum vel gangraenam.

QUANDO sputum pro ratione non prodit, febris et dolor manent, (non obstante sanguinis missione, et legitima methodo curandi praemissa,) nec alvus multam bilem profudit, nec urina multa cum sedimento multo micata est, absque exitii notis, morbum suppurare credendum est, et exinde futurum abscessum ; quem praesentem

sentem cognoscimus, si, his praegressis, corpus vagis concutiat horripilationibus, post quartum diem minuatur dolor, manente tamen respirandi difficultate, et tussicula ficca.

PLEURITIS itidem vehemens in corpore arido strigoso in schirrhum callumve pleurae exit; quem futurum scimus, si nec resolvatur inflammatio, nec intra quatuordecim dies signa appareant suppurationis, nec denique saevissima symptomata gangraenam minentur; tunc nato callo, respiratio difficilis, anhelosa fit, tussis frequens, ficca, dolens urget.

SPUTA fuliginosa, coenosa, strepitus in pectore multus, vultus moestus, oculi caliginosi, pulsus languidus, excretio sputi difficilis, et parca, alvi fluxus foetidus et symptomaticus, dyspnoea immanis, et dolorosa pectoris gravitas, gangraenam partes inflammatas cito obsessuram, in mortem certo terminandam, praemonstrant. Actum formatam gangraenam demonstrant insuper sputa ichorosa, tenuia, cinericea, livida, atra, foetida, doloris sine causa sublatio, sudores frigidi.

ULTIMO, morbus in mortem exit, quando tam vehementes ejus causae sunt, ut dolor productus, omnem motum thoracis supprimens, brevi creet, impedito sanguinis per pulmones trajectu, peripneumoniam, quam brevissime lethalem, cujus signa sunt, pulsus parvus, mollis, celer, intermittens; respiratio celeris, parva, erecta, genae rubrae; at caput, pectus, et collum aestuantia, dum extrema frigent.

QUUM



QUUM morbus lateralis respirationem, a qua vita immediate pendet, laedat ; et si actionis viscerum in thorace contentorum ad vitam conservandam, consideretur necessitas, plane patebit esse morbum, multo periculo stipatum : sed si requiritur prognosis, haec a sequentibus Hipp. traditis deduci potest. Lateris inflammatio omnis, senibus, et foeminis utero gerentibus, perniciofa est, itemque iis quibus secundo jam tertiove recurrit.—Corpora exercitata ac densa citius a pleuriticis morbis pereunt, quam inexercitata.—Quibus in morbo laterali lingua circa initia biliofa est, hi intra septimum judicantur ; quibus vero tertio ac quarto die, circa nonum.—At vero biliofi, simul et sanguinei morbi laterales, fere nono die aut undecimo judicantur, et maxime sanescunt.—Quibus autem in morbo laterali initio quidem dolores leves sunt, quinto vero aut sexto die ingravescent, fere ad duodecimum perveniunt, raroque servantur, sed praecipue septimo ac duodecimo die periculum subeunt. Quod si bis septem evaserint, servantur.—Quod si bulla aliquantulum livescens in lingua appareat initio, qualis excitatur ferro candente in oleum intincto, difficilior fit solutio : et judicatio ad decimum quartum diem deducitur.—Judicatur autem morbus brevissimus septima die, longissimus decima quarta.—Verum enimvero sputum oportet pleuriticis omnibus et peripneumonicis, tum ex facili, tum cito expurgari, ac flavum sputo exacte permixtum.—Pravum est autem et flavum syncerum, et glutinosum, et album atque rotundum, et viride mul-

D

tum

tum, et spumofum, idem livescens et aeruginosum. At pejus illud, quod ita meracum est, ut nigrum appareat.—Pleuriticis autem prodest alvum mollescere, sputum colorari, strepitus in pectore nullos edi, urinam placide ferri: eorum contraria difficilia sunt, et sputum dulcescere.—Pleuritici, quibus multum in pectore sputum perstrepat, unaque facies plena moeroris, et oculus ictericius, atque caliginosus, moriuntur.—Quibus concutiendo pus editur coenosum, et foedi odoris, ut plurimum moriuntur.—Quibus apostema factum est, et ipsa febris statim a ruptione decedit; et concupiscunt cibos; ipsum vero pus educitur facile, album, nihil olens, leve et equale, nec fervidum, atque tum alvus pauca, et figurata excernit; ii fere confestim servantur, et e contra.

### CURATIO.

**R**ESOLUTIO est quidem perfectissimus sanandi modus; quoniam vasa obstructa recludit, tumida componit, sine ulteriore noxa parti illata. In omni ergo morbo inflammatorio, saluberrima haec mutatio summopere exoptanda est; ea autem ut recte promoveatur, praecipue nasci videntur hae indicationes.

1mo, SANGUINIS copiam, et impetum in partem affectam, minuere.

2do, EJUS lentorem et visciditatem attenuare, diluere.

3tio, MATERIAE morbificae e corpore expulsionem promovere.

4to,



4to, TOTIUS corporis roborationem adjuvare.

PRIMAE indicationi, prae alio quovis remedio, respondet sanguinis missio. Quoties autem, et quanta copia mittenda sit, aut quantum sanguinis dispendium debellando morbo sufficiat, certo definire difficillimum est. Aetas enim, temperamentum, regio, anni tempus, nativa solidorum et fluidorum compages, morbi alii in corpore praedominantes, res non-naturales et harum usus, sexus, vires, morbi ipsius, ac symptomatum magnitudo, et infinita alia sagaci medico hac occasione sedulo pensanda sunt. Vena quidem a morbi principio, ad quartum vel quintum usque inclusive diem, mane et sero, ad uncias octo, vel decem, secare potest in pleuritide vehementiori, dolore lateris punctorio, vehementi, cruciante tussi, dyspnoea immani, sputo cruento, crudo, difficili, cum pulsu duro, tenso, vel molli, magno, undoso, et celeri saevientibus; si tempus anni praecipue verum sit, et aeger aetatis florem nondum praetergrediatur. Verum si a phlebotomia saepius repetita, et alia legitima methodo in auxilium vocata, symptomata omnia ante quintum diem mitescunt; pulsus interim laudabilis, anacatharsis copiosa, respiratio facilis, et dolor lateris mitior, vel nulla, appareant; a venaesectione penitus abstinendum, aut haec, pro rei tantum necessitate, et quando symptomata praedicta recrudescent, repetenda est.

SECUNDAE indicationi satisfaciendae, prospiciunt remedia diluentia, attenuantia, solventia, refrigerantia; classis primae basis est aqua communis; haec tamen

cum.

cum avena, amygd. dulc. vel et hordeo perlato five gallico, pro libitu f. a. alterare licebit. Sal vol. c. c. sal. fix. absinth. tart. cum nitro, sal prunel. polych. sp. minderer. medicamenta attenuantia, resolventia, refrigerantia sunt ; ut et mel, et succi horaei omnes : quae calida, humida, magna copia sorpta, et ad locum affectum determinata juvant, et pro mutatis phaenomenis varia assumenda sunt, semper curando, ut eligantur illa, quae putredini adversissima ; victus sit tenuis, mollis, refrigerans, antiphlogisticus ; omne exsiccans, calefaciens, impetum augens, vitandum, ut calor aëris, solis, foci, lecti, victus, medelae.

Ad indicationem quartam attingendam, sedulo observandum est, an natura per aliquam viam materiae morbificae eliminationem tentat ; si itaque imo, per evacuationem haemorrhoidum, tunc ille fluxus promovendus est fomentis mollissimis, laxantibus, ano applicatis, et hirudinum applicatarum succu. 2do, Si incipiat materies expelli per vias urinarias, statim fomenta supra dicta renibus, perinaeo, hypogastrio, apponenda ; lenia diuretica, aperientia, danda ; clysmata terebinthinata, vel et aquosa, calida, injiciantur, quae, in intestinum colon immissa, quod suo flexu renibus accumbit, calore suo vasa renalia relaxant : aër paulo minus calidus curandus ; sudor et aliae evacuationes vitandae sunt. 3tio Si natura crisin per alvum tentet, fomenta similia emollientia toti obvolvenda abdomini ; clysmata laxantia injicienda alvo, victus laxans instituenda est ;  
exhi-



exhibeatur quoque decoct. tamarind. sine fenna ; omnia fortia, purgantia et irritantia vitanda sunt ; tantum requiritur, ut materies a natura soluta mobilis servetur, et deorsum eliciatur, quo crisis incepta facilius absolvatur. 4to, Si abscessus metastatici formantur, tum levi, paululum vinoso, utendum victu ; medicamenta sint emollientia ; et locus suctu, laxatione, ita tractandus, ut minus resistat ; tandem, quando abscessus perfecte formatur, apertura facta, suppuratoriis aliquamdiu apertus teneatur. 5to, Si transit dolor ad humerum, manum vel dorsum, similia profunt ; et partes, in quas dolor migrat, fovendae mollibus, et stimulantibus attrahentibus emplastris. Denique 6to, si natura excretionem per anacatharsin conetur, tunc sollicitissime promoveri debet ; utenda animi et corporis requie ; aëre tepido, humido ; balneo vaporis emollientis ad pulmones ; victu tenui, levi ; medicamentis expectorantibus, leviter stimulantibus ; vitanda tum v. s. purgatio, sudoris expulsio, aliave omnia dictam excretionem perturbantia.

Quoad quintam et ultimam indicationem : Si denique ab immodica sanguinis, et virium, in morbo truculentiori, jactura ; praevia humorum acrimonia ; enervato, ab inflammationis violentia, et ferocia, ac regimine ad hanc debellandam accommodato, spirituum animalium, et solidorum tono ; aut colliquato humorum perseverante statu ; febris hectica, ut saepe fit, una cum inappetentia, languore virium magno, sudoribus colliquativis, fluxionibus, aut liquidis alvi dejectionibus, accendatur ; missis in hoc

casu penitus catharticus, vel uno tantum e lenissimis, ut plurimum, praemisso, ad corticis Peruviani, medicamenti omnium, quae haecenus agnovit, aut excogitavit medicorum orbis, in his rerum circumstantiis efficacissimi, usum festinandum est. Nec vinum rubrum, *Oporio* dictum, vel et *Gallicum*, hinc boni usus, utpote quae primas vias corroborant, frictiones, equitationes, vectiones in rheda, &c. quia totum corpus firmant, et digestionem promoven-vent, negligi debent. Victus sit tenuis, levis, nullo acri gaudens, parca quantitate simul receptus; potus sit levis, roborans, uti cyathus vini generosi, supra dicti, bis, vel ter de die.

F I N I S.